

929  
aliæque pravæ dispositiones, morbi que varii, non immeritò annumeratur.

χολιον.

Regimen ac moderamen RERUM NON NATURALIUM Medicis dictarum, in conservandâ hominis sanitate, plurimum habere momenti; earundemque administrationem legitimam, in abigendis morbis, valere multum; omnes docent Medici, quotidianaque id satis comprobatur experientia. Quorum usum, cum nobis efugere non liceat, eo meliorem ejus meritò habere debemus rationem. Præsertim verò, quantum neglectus ejus in præsentî nostro affectu damni inferre possit, satis manifestum est. Nec causam facile ullam aliam, quod hodie illud tam vulgariter graſsetur, reddi posse, existimamus, quam eam; à *Joan. Lang. epist. med. l. 2. epist. 3. d. novis morb.* quæ adducitur: pravam nimiram victus rationem, succedentibus mærore ac curis, homines conficientibus. Dicuntur verò illæ à plurimis causæ externæ; sed commodius cum *Sennert. l. 2. Inst. p. 2. c. 2.* EVIDENTES nuncupari posse, putamus: cum earum aliquot non extra, sed internè, corpus afficiant; omnes tamen evidenter & manifestè. Quod verò à quibusdam, in necessarias, & non necessarias dividantur, ideò omittimus lubenter; quod ea, utpote, quæ certo numero ita comprehendi non possunt, nostræ haud sint considerationis. POSTERIORES itaq; jam suo proponemus ordine; illis tamen, si necessitas svadere videatur, minimè neglectis. In quatuor verò cum non incommodè omnes simul distribuantur classes, & nos istum retinebimus ordinem. Prima igitur sit eorum, quæ ASSUMUNTUR. AER itaq; cum juxta *Gal. l. 6. de morb. vulg. S. 1.* variè nos alteret, & sine eo ne momentum quasi vivere possimus; meritò primo constituitur loco, consideraturq; hic, quatenus respiratione attrahitur, intraq; corpus assumitur. Is si sit crassus, foetidus, nebulosus, impurus; variis infectus vaporibus, ac inquinatus exhalationibus, è palustribus, udosis, ulignosisque locis, paludibus ac lacubus, elevatis, attractus respiratione; Spiritus vitales animalesque inquinat, crassosque impuros, ac ad munia sua ineptos reddit; sanguinem foedat ac humoribus suam imprimat naturam.

D

*Joan.*